

## Lapidadas

Como ovellas que van ao matadeiro  
camiñades a serdes lapidadas  
en reas, silenciosas e humilladas  
baixo a mirada atenta do carneiro.

Que o voso sangue sexa o darradeiro  
a mollar esas terras magoadas  
polo integrismo cruel, polas brigadas  
dunha fe que vos nega todo abeiro.

Maldita sexa a man que tira a pedra!  
Maldito na semente e no futuro  
o nome dos que erguen ese muro

sobre peitos que alentan! Sexa a hedra  
nai piadosa a cubrilas, nai que medra  
a reclamar a vida en berro puro!

MARICA CAMPO Mulleres